


Reëls om die gesondheid en veiligheid van mynwerkers te beskerm

Mynwerkers moet reëls volg wat hulle beskerm en ook ander werkers beveilig. → MB



Mynwerkers moet veiligheidsreëls nakom. Reëls verseker dat mynwerkers hulself nie beseer nie.

AKTIWITEIT 9 Teken 'n prent en beantwoord vrae

1. Teken 'n prent van 'n mynwerker. Gee byskrifte vir al die veiligheidstoerusting wat hy moet dra.
2. Wat kan moontlik gebeur as 'n mynwerker 'n vuurhoutjie in 'n myn trek?
3. Gee twee redes waarom myne ventilasie nodig het.
4. Skryf die sinne hieronder oor en voltooi hulle.
 - a) Een van die siekte wat mynwerkers se longe aanval, is ...
 - b) Mynwerkers kan hul longe beskerm deur ... te dra.
5.
 - a) Wat is 'n rotsstorting?
 - b) Hoe beskerm mynwerkers hulself teen rotsstortings?

Alle mynwerkers moet:

- 'n helm, stewels, werkhandskoene en oorpakke dra.
- in groepe van minstens twee werk.
- maskers dra wanneer hulle in digte stof werk.
- masjiene wat nie korrek werk nie, aanmeld.
- die spanleier se instruksies volg.

Mynwerkers moet nie:

- vuurhoutjies of aanstekers in 'n myn inneem nie.
- werk doen waarvoor hulle nie opgelei is nie.
- alleen of in verbode gebiede werk nie.